

Նոյեմբերի 13-ից 18-ը «Նարեկացի» միությունում ցուցադրվում են ակնթարթում արված շարժերը, որ ֆիքսել է ռեժիսոր Ժիրայր Աղավելյանը: Ֆոտոարթի ժանրում ստեղծված աշխատանքները պատահական սկիզբ ու ծնունդ չեն: Ժիրայր Աղավելյանը երկար տարիներ ռեժիսոր էր Երեւանի կենտրոնական հեռուստաալիքում՝ Հ1-ում, եւ նրա տասնյակ գեղարվեստավավերագրական ֆիլմերն արժանացել են միջազգային փառատոների մրցանակների: Հետո նույն «գործիքով», որով կինո էր ստանում, որոշեց արձանագրել նաեւ վայրկյանում, ժամանակի աներեւակայելի փոքր միավորում տեղի ունեցող շարժը: Ինչպես ինքը՝ Ժիրայր Աղավելյանն է ասում՝ «Շարժումից ստանալ ստատիզմ, ստատիզմից ստեղծել շարժում: Այսինքն՝ ֆիլտրել եւ նոր շարժում բերել: Եվ բնությունն է ինձ օգնել տեսնել, հայացքով որսալ, գնահատել, հասկանալ նաեւ



մարդու բնությունը»:  
Մի վայրկյանի  
շարժումները  
տարբեր են՝ կախված  
տարածությունից ու  
միջավայրից:  
Ժամանակի հոսքը  
վայրկյանում  
տարբեր է  
թատրոնում,  
կինոյում,  
գրականության մեջ,  
փողոցում,  
խանութում: Նույն  
կերպ՝ ժամանակը  
տարբեր կերպ է  
հոսում  
Հայաստանում ու  
Բոստոնում, որտեղ  
արդեն 20 տարի է  
բնակվում է Ժիրայր  
Աղավեյանը:  
«Շատ կուզեի մնալ  
Հայաստանում:  
Ապրել այստեղ՝ իմ  
հողում: Ինձ շատ  
կուրախացներ, եթե  
կարողանայի  
աշխատանք գտնել:  
Հարցնում եք՝ ինչո՞ւ  
եմ ուզում ապրել  
Հայաստանում:  
Որովհետեւ այստեղ  
իմն է, իմ աշխարհն  
է, իմ երկինքն է, իմ  
մարդիկ են»,- ասում  
է Ժիրայր  
Աղավեյանը:  
Թերեւս, մարդու  
հանդեպ մեծ սիրուց  
է, որ հեղինակը չի  
վերնագրում իր  
նկարները, իր  
տեսածն ու ֆիքսածը:  
Ֆոտոարթի  
նմուշները  
դիտողներին  
ազատություն է  
տրված տեսնելու,

ընկալելու եւ  
վերնագրելու  
այնպէս, ինչպէս  
իրենք են կամենում:  
Եվ նկարը պատմելն  
էլ սխալ է:  
Որովհետեւ  
վայրկյանի շարժումը  
միլիարդ մարդու  
համար միլիարդ  
անուն կարող է  
ունենալ: Ուղղակի  
տեսնել է պետք:  
Եթէ անցյալ  
ցուցահանդէսին  
նկարների  
ցուցապաստառների  
վրայով սահում էր  
հեղինակի ստեղծած  
երաժշտությունը,  
սպա այս անգամ  
Ժիրայր Աղավելյանը  
բերել էր բառերի  
երգը՝ «Առ ինձ  
ձեռքերիդ մեջ»  
գրքուկը:  
Անծայրածիր  
անապատ...  
Այրող արեւ,  
Վերջին ճիգ,  
Վերջին ձգտում,  
Պատրանքը քո  
այրվում,  
Մոխիր դառնում,  
Քամուց ավազին  
խառնվում:  
Անծայրածիր  
անապատ:  
Ժիրայր Աղավելյան  
Պատկերներ կարող  
էս ստանալ  
հնչյունից, վրձնից,  
ֆոտոապարատի մեկ  
շխկոցից եւ բառից:  
Գրքուկում  
«որմանակարներ»  
են, որ  
ներդաշնակվել են  
պատերից կախված

պատկերներին: Դա  
Ձեր ու Ժիրայրի  
զրույցի  
շարունակությունն է,  
լրացումը,  
միահյուսումը...  
Ինչպես կուգեք՝  
հասկացեք: Ազատ  
եք:

**Մարինա  
Բաղդասյույան**